

唐  
音  
統  
籤







長空秋雨歇睡起覺精神看水看山坐無名無利  
身偈吟諸祖意茶碾去年春此外誰相識孤雲到  
砌頻

秋臺作

獨上高樓上客情何物同孤雲無定處長日信秋  
風兄弟多年別關河此夕中到頭歸去是免使歎  
濛濛

宿岳陽開元寺

竟夕憑虛檻何當興歎頻往來人自老今古月長  
新風逆沈漁唱松疎露鶴身無眠鐘又動幾客在



迷津

東林寺

欲去不忍去徘徊吟繞廊水光秋澹蕩僧好語尋  
常碑古苔文疊山晴鐘韻長翻思南嶽上只此白  
蓮香

題僧夢微房

東海日未出九衢人已行吾師無事坐苔蘚入門  
生雨過閑花落風來古木聲天台頻說法石壁欠  
題名

題國道者

高僧傳國道者居廬山雙溪院塊  
然在處翻在形器之上未知何



許人

入門空寂寂真個出家兒有行鬼不見無心人謂  
癡古巖寒相對流水落花隨欲別一何嬾相於所  
恨遲

三生石

聖蹤誰會得每到益徘徊一尚不可得三從何處  
來清霄寒露滴白晝野雲隈應是表靈異凡情安  
可猜

喜僧友到

十年消息斷空使夢烟蘿嵩嶽幾時下洞庭何日



過瓶乾離澗久衲壞卧雲多意欲相留住遊方背  
舍麼

懷虎中上人

簷雨滴更殘思君安未安湘川聞不遠道路去尋  
難吟髻霜應蝕禪衣雪漸寒倚松因獨立一鳥下  
江干

思齊已上人

同人與流俗相謂好襟靈有口不他說長年自誦  
經水聲秋後室山色晚來庭客問修何法指松千  
歲青



寄貫休上人

常語亦閑詩常流安得知楚郊來未久吳地住多  
時立月無人近歸林有鶴隨所居潭不遠相識偶  
欣遲

送邊將

人盡有離別而君獨可嗟言將身報國敢望祿榮  
家戰思風吹野鄉心月照沙一作滿歸期定何日塞  
北樹無花

雪中送人北游

然知心去遠其奈雪飛頻莫喜無危道雖平更陷



人遠邛光接漢曠野色通秦此去迢迢極却回應  
過春

送玄泰禪師

去去去何住一盂魚一瓶水邊寒草白鳥外晚峯  
青宿處林間虎行時天有星回期誰可定浮世重  
看經

賣松者

求利有何限將松入市來直饒人買去也向柳邊  
栽細葉猶粘雪孤根尚惹苔知君用心錯舉世重  
花開



落花

一片又一片等閑苔面紅不能延數日開亦是春  
風公子歌聲歇詩人眼界空遙思故山下經雨而  
三葉

落葉

雨過閑田地重重落葉紅翻思向春日肯信有秋  
風幾處隨流水何邊亂暮空祇應松自立而不與  
君同

簡寂觀

正同高士坐烟霞思着閑忙又是嗟碧岫觀中人



似鶴紅塵路上事如麻石肥滯雨添蒼蘚松老涵  
風落翠花莫道此間無我分遺民長在惠持家

懷故園

故園歸未得此日憶何傷獨坐水邊草水流春自  
長



唐鑑一僧詩三十九

三人同卷

唐音統鑑卷九百七

處默初與貫休同難染隔院論詩互尋對偶又入廬山與修睦樓隱游後多客吳越間詩一卷宋志今存八首

聖果寺

吳越地節云羅隱見到江二句曰此我句久失之乃為吾師所得人謾隱

之輕薄

路自中峰上盤回出薜蘿到江吳地盡隔岬越山

多古木荒青霜遙天浸白波下方城郭近鐘磬雜

笙歌

接到江一聯音人有謂此由莊子人詩者似

謂吳地東不及江不當云到江始盡者更是拘論此正賴失故約畧言之契券未確耳不賦牙人之



詩益無解矣。遙天浸  
白波。自是佳境佳語。

### 送僧游西域

一盂兼一錫。祇此度流沙。野性雖為客。禪心即是  
家。寺披雲嶠。雪路入曉天。霞自說游諸國。回應歲  
月餘。

### 遠烟

霽。前山上。凝光滿。薜蘿高。風吹不盡。遠樹得偏  
多。翠與晴雲合。輕將淑氣和。正堪流野目。未問意  
如何。

### 螢



熠熠與娟娟。池塘竹樹邊。亂飛如撲火。成聚却無  
烟。微雨灑不滅。輕風吹欲燃。昔時書案上。頻把作  
夢懸。

### 憶廬山舊居

粗衣糲食老烟霞。勉把衰顏惜歲華。獨鶴祇為山  
客伴。閑雲常在野僧家。薺生嫩蕨粘松粉。自落乾  
薪帶蘚花。明月清風舊相得。十年歸恨可能賒。

### 題栖霞寺僧房

一作周  
無詩

明家不取買山錢。任搆花宮近碧巔。松檜老依雲  
裏寺。樓臺深鎖洞中天。風經絕嶂回疎雨。石倚危



屏掛落泉欲結茅菴共師住肯饒多少薜蘿烟

山中作

席簾高捲枕高歌門掩垂蘿蘿碧溪閑把史書眠  
一覺起來山日過松西

織婦

蓬髻蓬門積恨多夜闌燈下不停梭成纈猶自陪  
戲綉未直青樓一曲歌

句

太平時節無人看雪刃閑封滿匣塵  
劍王正字詩格  
可朋丹稜人好酒自號醉髡有玉壘集十卷  
宋志今



存詩四首

紀事云可朋少與盧延讓為風雅之友

酒債以詩

歐陽炯之後蜀孟昶廣政

耕田鼓詩

紀事云歐陽炯夏日命同僚納涼

寺之外皆耕者曝背烈日中耕田擊腰鼓

為節可朋遂作耘田鼓詩以聲言雖遠近

農舍田頭鼓王孫筵上鼓擊鼓兮皆為鼓一何樂

兮一何苦上有烈日下有焦土願我天翁降之以

雨令桑麻熟倉箱富

### 賦洞庭

周極八百里凝眸望則勞水涵天影澗山拔地形



高賈客停非久漁翁轉我遭颯然風起處又是鼓  
波濤

贈方干

盛名傳出自皇州一舉參差便縮頭月裏豈無攀  
桂分湖中剛愛釣魚休童偷詩稿呈隣叟客乞書  
題謁郡侯獨泛短舟何限景波濤西接洞庭秋

桐花鳥

五色毛衣比鳳雛深花叢裏祇如無美人買得偏  
憐惜移向金釵重幾銖

句



來多不似客坐久却垂簾

記事 歐陽炯以此及

孟郊

缸收千嶂雨潮展半江天

詩話

詩因試

客分題僻基為競人下着低

傷心盡日有啼鳥

獨步殘春空落花

杜甫

唯陪北楚三千客多話

東林十八賢

乍當暖景飛仍慢欲就芳叢舞更

高

蝶

雲城蜀僧師貫休工詩及小篆有龍華集十卷

今存詩三篇

宿鄭諫議山居

堂開星斗邊大諫採薇還禽隱石中樹月生池上



山涼風吹詠思幽語隔禪關莫擬歸城計終妨此  
地閒

贈島雲禪師

遠菴枯葉滿群鹿亦相隨頂骨生新髮庭松長舊  
枝禪高太白月行出祖師碑亂後潛來此南人總  
不知

懷齊已上人

鬢毛秋色兩蒼白靜對茅齋一炷香病後身心俱  
寂寞年來親友半凋傷蛾眉山色侵雲直巫峽灘  
聲入夢長猶喜溪邊有支遁時時音信到松房已



欲入蜀不遂故有  
峽入夢之語



唐籤一僧詩四十

十七人同卷

唐音統籤卷九百八

法照

大曆貞元間僧

寄錢郎中

閉門溪樹裏閒足鳥來過五馬不復貴一僧誰奈  
何藥苗家自有香飯乞時多寄語婵娟客將心向  
薜蘿

送清江上人

越人僧體古清處洗塵勞一國詩名遠多生律行  
高見山援葛藟避世著方袍早晚雲門去儼應逐  
爾曹



送無著禪師歸新羅

萬里歸鄉路隨緣不等程  
尋山百衲獎過海一杯  
輕夜宿依雲色晨齋就水聲  
何年持貝葉却到漢  
家城

懷素

字藏真俗姓錢長沙人貞元間以草書名

題張僧繇醉僧圖

人人送酒不曾沽終日松間挂一壺  
草聖欲成狂便發真堪画入醉僧圖

寄衡嶽僧

祝融高坐對寒峰雲水昭丘幾萬重  
五月初衣猶



近火起來白鶴冷青松

含曦

元和太和間  
長壽寺僧

酬盧仝見訪不遇題壁

長壽寺石壁盧公一首詩渴讀即不渴  
餓鯨飲海水盡露出珊瑚枝海神知貴  
不知價留向人間光照夜

韜光

西蜀人白樂天嘗以詩誨之  
不起後車錫囊隱巢居鵝

謝白樂天招

白詩見本集此  
載西湖游覽名

山僧野性好林泉每向巖阿枕石眠  
不解栽松陪玉勒惟能引水種金蓮  
白雲乍可來青嶂明月難



教下碧天城市不能飛錫去恐妨鶯囀翠樓前

懷楚

唐末禪僧住安州白兆山乾院又鄭谷有贈僧詩靈一心傳清意心可公吟後楚公吟或

即此是公也

謝友人見訪留詩

軒車誰肯到泉石自相親暮雨凋殘寺秋風悵望人庭新一片葉衣故十年塵賴有瑤華贈清吟喻病身

送新平故人

常聽倉庚思舊友又因蝴蝶夢生涯一千餘里河連郭三十六峰到家寒陰島直分東曉雁晴樓高



入上陽鴉姜娘廟北興君別應笑薄寒悲落花

常達

字文舉俗姓顧發跡河陽大福山大中中居吳郡破山寺精于律學為五七言詩追用元

和之休著青履道歌播人唇吻

山居八詠

身閑依祖寺志僻性多慵  
少室遺真旨層樓起暮鐘  
啜茶思好水對月數諸峰  
有問山中趣庭前是

古松

晚望虛庭物心心見祖情  
烟閑分嶽色雨霧滅泉聲  
遠樹猿長嘯層巖日乍明  
更堪論的意林下笋

新生



一室塵埃外，翛然祇麼常。  
睡來開寢帳，鍾動下禪床。  
溪浸山光冷，秋凋木葉黃。  
時提祖師意，款石看斜陽。

西來真祖意，祇在見聞中。  
寒雁一聲過，疎林幾葉驚。  
心聞憐水石，身老怯霜風。  
為報叅玄者，山山月色同。

真性寂無撥，塵七祖佛師。  
日明庭砌暖，霜苦草堂衰。  
汲水和烟酌，栽松帶雪移。  
好聽玄旨處，猿嘯嶺南枝。

古寺凭欄久，時間舉妙機。  
庭空月色淨，夜迥磬聲微。



移漏轉寒更急燈殘冷焰微太虛同萬象相謂話

玄機

胡僧論的旨物物唱圓成疎柳春來翠幽窻日漸  
明禪心清石室蝶翅覆花英好聽談玄處喬松鶴  
數聲

祖祖唯心旨春融日正長霜輕莎艸綠風細藥苗  
香月滿真如淨花開覺樹芳庭前鶯囀處時聽語

圓常

智亮

大中中開闢元寺僧堂祖  
勝行乞號祖勝和尚

戴雲山吟

山在德化亮  
時結房其中



人間說說上天梯上萬千迴總是迷曾似老人巖  
上坐清風明月與心齊

又

載雲山頂白雲齊登頂方知世界低異草奇花入  
不識一池分作九條溪

良又

大中時僧

荅盧鄴

張為取作  
主客篇

風泉祇向夢中間身外無餘可寄君當戶一輪唯  
曉月掛簷數片是秋雲

應物

大中時江南詩僧  
嘗與羅  
鄴唱和作九華山記



龍潭

石激懸流雪滿灣五龍潛處野雲閒暫收雷電九  
峯下且飲溪潭一水間浪引浮槎依北岸波分曉  
日浸東山回瞻四面如看画須信遊人不欲還

題化城寺

平高選處創蓮宮一水縈流處七通画閣盡開遲  
日畔禪房夜掩碧雲中平川不見龍行雨幽谷遙  
聞虎嘯風偶與道人論法要真元浩七理無窮

神穎

咸通  
中僧

和王季文題九華山



衆岳誰分野九華鎮南朝彩筆凝空遠崔嵬寄青  
霄龍潭古仙府靈藥今不凋瑩為滄海鏡烟霞作  
荒標造化心數奇性狀精氣饒玉樹鬱玲瓏天籟  
韻蕭寥氣上尋乳竇競競行石橋通泉漱雲母藉  
草縈香茗我住幽且深君賞昏復朝稀逢發清唱  
片片霜凌颼

宿嚴陵釣臺

寒谷荒臺七里洲賢人永逐水東流獨猿叫斷青  
天月千古冥冥潭樹秋

澹交

贊寧高僧傳載交嘗為蘇州昭隱  
寺僧藏巖作真誥蓋真符中人



劬古

榮辱又榮辱一何翻與覆人生百歲中孰肯死前  
足立髣忽如綠青輩不再綠自古爭名徒黃金是  
誰祿

病後作

未得忘身法此身終未安病腸猶可洗瘦骨不禁  
寒藥少心情餌經無氣力看悠々片雲頃獨對夕  
陽殘

寫真

圖形期自見自見却傷神已是夢中夢更遶身外



身水花凝幻質墨彩染一作聚空塵堪笑予兼爾俱

為未了人

亞栖洛陽人善草書昭宗光化中對殿庭兩賜紫袍一時榮之

對御書後一絕

通神筆法得玄門親入長安謁至尊莫怪出來多

意氣草書曾悅聖明君

題英禪師

將知德行異尋常每見持經在道場欲識用心精

潔處一餅秋水一爐香

文秀江南僧居長安以文章應制與鄭谷善各贈詩云它夜松堂宿論詩更入微



端午

節分端午自誰言萬古傳聞為屈原堪笑楚江空  
渺渺不能洗得直臣冤

栖一

武昌人與  
貫休同時

垓下懷古

緬想咸陽事可嗟楚歌哀怨思無涯  
八千子弟歸何處萬里鴻溝屬漢家  
弓指陣前爭日月血流垓下定龍蛇  
拔山力盡烏江水今古悠悠空浪花

武昌懷古

戰國城池盡悄然昔人遺跡徧山川  
笙歌罷吹幾



何日臺榭荒涼七百年蟬響夕陽風滿樹雁橫秋

浦雨連天堪嗟世事如流水兩岸蘆花一釣船

栖蟾

居屏風岩齊已稱為師等

一名栖隱字巨微姓徐氏

### 短歌行

蟾光堪自咲浮世懶思量身得幾時活眼開終日  
忙千門無壽藥一鏡有愁霜早向塵埃一作泥外光  
陰任短長

### 除夜

九冬三十夜寒與暖分開坐到四更後身添一歲  
來魚燈延臘火獸炭化春灰青帝今應老迎新見



幾回

宿巴江

江聲五千里  
瀉碧急于絃  
不覺日又夜  
爭教人少  
年一汀巫峽  
月兩岸子規  
天山影似相  
伴濃遮到  
曉船

遊邊

邊雲四顧濃  
飢馬嗅枯蒿  
萬里八月九  
一身西北  
風偷營天正  
黑戰地雪多  
紅昨夜東歸  
夢桃花暖  
色中

居南嶽懷沈彬



石房開竹扉  
茗外獨支頤  
萬木還無葉  
百年能幾時  
隔雲聞犬吠  
過截兩見虹  
垂因憶嶽南  
客晏眠吟好詩

南中懷友生

荔枝江下立  
望北幾思量  
隔海無書劄  
前年在漢陽  
瘴村人起早  
銅柱象揩光  
居此成何事  
尋君過碧湘

贈南嶽玄泰布衲

曹溪入室人  
終老甚難群  
四十餘年內  
青山與白雲  
松和巢鶴看  
果共野猿分  
海外僧來說  
名高自



小聞

寄問政山聶威儀

先生卧碧岑諸祖是知音得道無一法孤雲同寸  
心嵐光薰鴈詔茶味敵人參若向壺中去他年許  
我尋

送遷客

諫頻甘得罪一騎入南溪若順吾皇意即無臣子  
心織花蠻市布擣月象州砧蒙雲知何日凭樓望  
北吟

讀齊己上人集



詩為儒者禪此格的惟仙古雅如周頌清和甚舜  
絃冰生聽瀑句香發早梅篇想得吟成夜文星照  
楚天

牧童

牛得自由騎春風細雨飛青山青草裏一笛一蓑  
衣日出唱歌去月明撫掌歸何人得似爾無是亦  
無非

再宿京口禪院

灘聲依舊水溶溶岸影參差對梵宮楚樹七回凋  
舊葉江人兩至宿秋風蟾蜍竹老搖疎白齒蒲池



乾落碎紅多病支郎念行止晚年生計轉如蓬

清尚

興齊已同時已  
有覽清尚卷詩

哭僧

道力自超然身亡同坐禪水流元在海月落不離  
天溪白堊時雪風香焚處烟世人頻下淚不見我

師玄

耽章

俗姓黃  
舊曹山釋

辭南平鍾王召

摧殘枯木倚寒林  
裁度逢春不變心  
樵客見之猶不採  
郢人何事苦搜尋



唐巖一僧詩四十一十七人 唐音統鑑卷九百九

歸仁

唐末江南僧

自遣

日日為詩苦誰論春與秋一聯如得意萬事從忘  
憂雨墮花臨砌風吹竹近樓不吟頭也白任白此  
生頭

酬沈先輩卷

一百八十首清冷韻可敲任從人不愛終是我難  
拋桂魄從來滿蒲團坐得四先生聲價在寰宇幾  
人抄



題賈島吟詩臺

此臺如何廢此恨有誰平縱使迷青草終難沒  
舊名天悲朝雨色嶽哭夜猿聲不是心偏苦應關  
古情

悼羅隱

一著諛書未快心幾抽胸臆縱狂吟營中窺豹我  
猶在海上釣鰲君也沉歲月盡能消憤懣豪區那  
更有知音長安冠蓋皆塗地仍喜先生葬碧岑

題楚廟

羞容難更返江東誰問從來百戰功天地有心歸道



德山河無力為英雄  
蘆花尚認霜戈白  
海日猶思火戟紅  
也是男兒成敗事  
不須惆悵對西風

### 牡丹

三春堪惜牡丹奇  
半倚朱欄欲綻時  
天下更無花勝此  
人間偏得貴相宜  
偷香黑蟻斜穿葉  
覩蝶黃鶯倒掛枝  
除却解禪心不動  
笑應狂殺五陵兒

隱巒

唐末匡廬僧

### 逢老人

路逢一老翁  
兩鬢白如雪  
一里二里行  
四回五回歇



牧童

牧童見人俱不識  
盡著芒鞋戴箬笠  
朝陽未出衆山晴  
露滴蓑衣猶半濕  
二月三月時  
平原草初綠  
三個五個騎羸牛  
前村後村來放牧  
笛聲徧一舉衆稚  
齊歌舞看  
白日向西斜  
各自騎牛又歸去

蜀中送人游廬山

君游正值芳春月  
蜀道千山皆秀發  
溪邊十里五里花  
雲外三峯西峰雪  
君上匡山我偕居  
松蘿拋擲十年餘  
君行試到山前問  
山鳥只今相憶無

琴



七條絲上寄深意澗水松風生十指自乃知音猶  
尚稀欲數更入何人耳

浮橋

橫壓驚波防沒溺當初元朔是軍機行人到此全  
無滯一片江雲踏欲飛

知雲

唐末嶺南僧

舊園里

舊居梨嶺下風景迤矣方地暖生春早家貧覺歲  
長石房雲過濕杉徑雨餘香日夕竟無事詩書聊  
自強



秋日江居閑詠

寄居江島邊  
閑詠見秋殘  
草白牛羊瘦  
風高猿鳥寒  
檢方醫故疾  
批薺脩中餐  
時復停書卷  
鉏莎種木蘭

長安言懷寄沈彬侍郎

故園梨嶺下  
歸路接天涯  
生作長安草  
勝為邊地花  
雁南飛不到  
書北寄來賒  
堪羨神仙客  
青雲早致家

送人遊塞

去去玉關路  
省君曾未行  
塞深多伏寇  
時靜亦屯



兵雪每先秋降花嘗近夏生開陪射鴈將應到受

降城

冷然

紀事云  
唐末僧

宿九華化成寺庄

佛寺孤庄千嶂間  
我來詩境強相關  
岩邊桐動猿  
下澗雲裏錫鳴僧  
上山松月影寒生  
碧落石泉聲  
亂噴潺湲  
明朝更躡層霄去  
誓共烟霞到老閑

文鑒

常州志  
唐時僧

題馬跡山

文鑒洞度記云漢  
郡使君為雍州  
刺史馬跡山龍馬駐迹

留石  
面



瀛洲西望沃州山山在平湖縹緲間常說使君千

里馬至今龍跡尚堪攀

若冰

唐時僧不知所自來寓慧山普利院山有洞出泉歲久且寒冰疏之泉復出世名其洞曰

若冰洞水見常州志

題慧山泉

石脉凝寒光松根噴曉涼注銚雲母滑漱齒茯苓

香野客偷煎茗山僧借淨床安禪何所問孤月在

中央

景雲

按紀事謂岑參有偈師東岳韓偓同詣景雲上人即事詩云山陰老僧解楞嚴謂即其人

然岑集自作景雲碑

上人况此之聲調似屬晚唐詩書似不足據也

宣和書譜云景雲善艸書學



張顥

老僧

一作鄭  
榮詩

日照西山雪老僧門始開  
凍瓶粘柱礎宿火陷爐  
灰童子病歸去鹿麕寒  
入來齋鐘知漸近枝鳥  
下生臺

谿叟

谿翁居處靜谿鳥入門飛  
早起釣魚去夜溪東月  
歸露香菰米熟烟暖荇  
綠肥瀟洒塵埃水扁舟  
一草衣

画松



庚子年

五代  
洛陽  
沙門  
普座

五代名畫補遺云河南廣愛寺山亭院楞伽山開元

中楊惠之塑先是鬼之將塑也大義淨三藏呪其上故至今螺螄動物及飛禽悉不敢其所精絕海比倫在唐末果寇焚燬寺宇幾不遺惠之手迹不毀留懸持版甚多

靈異不能栖鳥雀幽奇終不著猿猴為經巢賊應  
無損縱使秦驅也謾勞珍重昔賢留像迹陵遷谷

句先  
二

附

大慈觀音蓮寺沙門浩宇浩然  
水人隱太行洪谷自號洪谷子專門

韋太行洪谷自號洪谷子專門



山水畫為  
唐末之魁

乞荆浩畫

六幅故牢健知君恣筆蹤不求千澗水止要兩株  
松樹下留盤石天邊縱遠峰近岩幽濕處惟藉墨  
烟濃

浩

画山水圖答大愚

恣意縱橫掃峰巒次第成筆尖寒樹瘦墨淡野雲  
輕岩石噴泉窄山根到水平禪房時一展魚稱苦  
空情

恒超

姓馮氏范陽人居隸州開元寺節操  
高遠尤善風騷終于後漢之乳孫



辭郡守李公恩命

高僧傳錄守李公素重起

筆為謝後馮瀛王奏漢帝

就賜紫衣不與先期示化

虛著褐衣老浮杯道不成誓傳經論死不染利名  
生厭樹遮山色憐窓向月明地時隨范蠡一棹五

湖清

若虛

南唐僧德廬山持經不出石室李

主累徵不就其遷化在漢乾祐中  
懷廬山舊隱

九疊嵯峨倚碧天每隨寒瀑下岩烟深秋猿鳥來  
心上徹夜松杉在眼前書架想遺苔蘚爨石窻應  
被薜蘿煙一枝竹杖遊江北不見爐峯二十年



古鏡

軒后紅爐獨鑄成  
蘇痕磨落月輪呈  
萬般物象皆能鑒  
一個人心不可明  
匣內乍開驚鳳活  
臺前高

掛鬼神驚百耳  
肝膽堪將比祇怕  
看頻素髮生

護光金陵人素有才辨江南國主禮之然無霸檢

他國主語以果報不為意也識者異也

賞壯丹應教後主末年因賞花命光賦詩遂致諷云

云五燈會元以為法眼

擁袖對芳叢  
由來事不同  
鬢從今日白  
花似去年

紅艷色  
隨朝露  
馨香逐曉風  
何須問符零落然後始



知空

玄寂

俗姓高居昇元寺性與悟情通經藏保大中

後醉死于石于商

歌

馬令書云寂日以狂歌為事大醉則十歌

人若無

酒禿酒禿何榮何辱但見衣冠成古丘不見江河

變陵谷

無作

字不用姓司馬氏吳越四明山僧善

謝武肅王

高僧傳作應王召作隋即謝病

雲鶴性孤單爭堪名利開街思難入國辭命却歸



山

元孚

一云宣城開元寺僧許渾同時一云楚中僧陳陶有贈詩未知孰是

月夜懷劉秀才

一作無可詩見前

獨夜相思但自勞  
阮生吟罷夢雲濤  
此時小定未禪寂  
古塔月中松磬高

送李四校書

朱絲寫別鶴  
冷冷詩滿紅箋  
月滿庭  
莫學楚狂隲  
姓字知音還  
有子期聽

乾康

零陵人卒於宋初

投謁齊已

已公在湘西道林寺乾康往謁齊已已知其為人使謂曰我師門何



非詩人不游大德來請為一絕以代門刺  
康詩云云已大善與款接其別以詩送之

隔岸紅塵忙似火當軒青嶂冷如冰烹茶童子休

相問報道門前是袖僧

賦殘雪

康謁永州守觀其老醜不信能詩時  
積雪方消命為題試之守大驚曰其

音不淺待  
以殊礼

六出奇詭已住開郡城相次見樓臺時人莫把和

泥看一片飛從天上來

句

鏡湖中有月處士後無人荻笋抽高節鱸魚躍老

鱗

經方干為居甚  
為齊己所稱

終



唐巖一僧詩四十二二十七

唐音統巖卷九百十

釋彪見文苑

寶琴

吾有一寶琴價重雙南金刻作龍鳳像彈為山水音星從微裏發風來絃上吟鍾期不可遇誰辨曲

中心

尚能以下見紀事

中秋旅懷

所言惟騷雅魚之得固窮望鄉連北斗聽雨帶西風稼穡村坊遠烟波路逕通冥搜清絕句恰似有



神功

句

霜洲楓落盡月館竹生寒

見萬花谷

常雅

題伍相廟

蒼蒼古廟映林巒  
漠々烟霞覆古壇  
精魄不知何處在  
威風猶入浙江寒

雅齋

以下見弘秀集

別友人

一身無定處  
萬里獨銷魂  
芳艸迷歸路  
春衣滴淚痕



痕幾時休旅食向夜宿江村欲識異鄉苦空山啼  
暮猿

賦得聞黃鳥啼

捲簾清夢後芳樹引流鶯隔葉傳春意穿花送曉  
聲未調雲路翼空負桂枝情莫盡閑閑興羈愁正  
厭生

春日旅懷呈知己

生涯萬事有蒼蒼應任流萍便越鄉春水獨行人  
漸遠故園歸夢夜空長一聲隔浦猿啼處數點驚  
心淚滿裳不為知音皆鮑叔信誰江上去茫茫



慕幽

劍客

去住知何處  
空將一劍行  
殺人雖取次  
爲事愛公  
平  
戟立噴  
髭髯  
星流忿  
眼睛  
曉來湘市說  
拂曙別  
邊城

酬和友人見寄

勞歎好自看  
終久偶齊桓  
五字若歎  
易一名爭得  
難  
侵窳紅樹  
老蔭砌  
雪花殘  
莫効齋  
僚屬東歸  
剪  
釣竿

冬日淮上別文上人



家國各萬里同吟六七年可堪隨北雁迢遞向南  
天水共行人遠山將落日連春淮有雙鯉莫忘尺  
書傳

柳

今古憑君一贈行幾回折盡復重生五株斜傍淵  
明宅千樹低垂太尉營臨水帶烟藏翡翠倚風兼  
雨宿疏鶯隋皇堤畔依依在曾惹當時歌吹聲

三峽聞猿

誰向茲來不恨生聲上都是斷腸聲七千里外一  
家住十二峰前獨自行瘴雨晚藏神女廟蠻烟寒



鎖夜郎城憑君且莫哀吟好會待青雲道路平

燈

鐘斷危樓鳥不飛  
熒熒何處最相宜  
香然水寺僧  
開卷筆寫春幃客  
著詩忽爾思多穿  
壁處偶然心  
盡斷纓時孫康  
勤苦誰能念少  
減餘光借與伊  
釋此

游元象泊

空水潮色淨  
澹然湖上心  
舳艫輕且進  
汀洲如可  
尋  
秋風回  
所險落日波  
清深寂寞武  
陵去中流方  
至今



北原別業

野外車騎絕古邨桑柘陰流鶯出谷靜春草閉門  
溪學稼農為業忘情道作心因知上皇日鑿井在  
雲林

智遠

律僧

瀟水與龕燈長護有情自從青草出便不下堦  
行北闕應無夢南山舊有名將何喻浮世惟指浪  
漚輕

善生



旅中荅喻軍事問客情

一自游他國相逢少故人  
緼然為客樂爭似在家  
貧畜恨霜侵髣搜詩病入神  
若非憐片善誰肯問  
風塵

贈盧逸人

高眠岩野間至藝敵應難  
詩苦無多首藥靈惟一  
尤引泉魚落釜攀果露沾  
冠已得嵇康趣逢迎事  
每闌

送玉禪師

飄然無定迹迴輿律乘違  
入郭隨緣住思山破夏



歸遇夏不終孟學數家飯初乞幾人衣洞了曹溪

肯寧輸俗者機

### 送智光之南值雨

結束衣囊了災州定去游草堂方惜別山雨為相  
留又得一宵話免生千里愁莫辭重卜日後會必  
經秋

玄寶

### 路

南北東西去茫茫萬古塵關河無盡處風雪有行  
人險極山通蜀平多地入秦營七名利者來往豈



辭頻

無悶

暮春送人

折柳亭邊手重携  
江烟澹々草萋萋  
杜鵑不解離人意  
更向落花枝上啼

寒林石屏

草堂無物伴身閑  
惟有屏風枕簟間  
本向他山求得石  
却於石上看他山

無則

見萬首絕句

鷺鷥



白蘋紅蓼碧江涯日暖雙雙立睡時願揭金籠  
歸去却隨沙鶴閣輕絲

百舌鳥二首

千愁萬恨過花時似向春風怨別離若使衆禽俱  
解語一生懷抱有誰知

長截隣雞叫五更數般名字百般聲饒伊搖舌先  
知曉也待青天明即鳴

滄浩

才調集有此僧名然其詩即破  
然詩也以集出唐末立存之

懷舊山

一作別嘉  
吳知已

一坐西林寺從來未下山不因尋長者無事到入



間宿兩愁為客寒花笑未還

一作寒食散未還

空懷舊山

月童子誦經閑

修雅

見法華經後云唐法師然親其詩誦當是五代人也

### 間誦法華經歌

山色沉沉松烟罩七空林之下盤陀之石石上有  
僧結跏橫膝誦白蓮經從旦至夕左之右之虎跡  
狼跡十片五片異花狼藉偶然相見未深相識知是  
古之人今之人是墨彦是墨翼我聞此經有深旨  
覺帝稱之有妙義合目冥心仔細聽醍醐滴入焦  
腸裏佛之意兮祖之題我之心兮經之旨可憐彈



指及舉手不達目前今正是大矣哉甚奇特空王  
要使群生得光輝一萬八千土土土皆作黃金色  
四生六道一光中狂夫猶自問彌勒我亦當年學  
空寂一得無心便休息今日親聞誦此經始覺驢  
乘匪端的我亦當年不出戶不欲紅塵沾步武今  
日親聞誦此經始覺行行皆寶所我亦當年愛吟  
咏將謂冥搜亂神定今日親聞誦此經何妨筆硯  
資真性我亦當年狎兒戲將謂光陰半虛棄今日  
親聞誦此經始覺聚沙非小事我昔曾游山與水  
將謂他山非故里今日親聞誦此經始覺山河無



寸地我苦心猿未調伏常將金鎖虛拘束今日親  
聞誦此經始覺無物為拳拳師誦此經之一字字  
字爛嚼醍醐味醍醐之味珍且美不在唇不在齒只  
在勞生方寸裏師誦此經經一句句句句句牛親動  
步白牛之步疾如風不在西不在東只在浮生日  
用中日用不知一何苦酒之腸飯之膈長者揚聲  
喚不迴何異聲何異聲世人之耳非不聰耳聰特  
向經中聾世人之目非不明目明特向經中盲合  
聰不聰合明不明轆轤上下浪死虛生世人縱識  
師之音誰人能識師之心世人縱識師之形誰人



能識師之名師名醫王行佛令來與衆生治心病  
能使迷者醒狂者定垢者淨邪者正凡者聖如是  
則非但天恭敬人恭敬亦合龍讚詠鬼讚詠佛讚  
詠豈得背覺合塵之徒不稽首而賜命  
吳越僧

武肅王有旨石橋設齋會進一詩共六首

詩載

宋林師點天台志前一首智堯禪師延壽所作後五首失名大抵皆吳越僧也智堯終闍室初例不收以此會吟偈乃其首首進故并錄之

南有天台事可尊  
孕靈含秀獨超群  
重七曲澗侵  
危石步步層岩  
踏碎雲金雀每從雲裏現  
異香多



向夜溪間常知此界非凡界一道幽奇各自分  
仙源佛窟有天台今古嘉名遍九垓石磴嵌空神  
匠出瀑泉雄壯雨聲來景強偏感高僧上地勝能  
令遠思開一筇翹誠依此處自然靈既作梯媒  
智泉福海莫能逾親自王恩運睿謨感現盡冥心  
境界寶持全固道根株石梁低翳紅鸚鵡烟巖高  
翔碧鷗鵠勝妙重惟禱祝永資軍庶息災虞  
凌晨迎請倍精誠親散鮮花異處清羅漢攀枝星  
梵相岩僧倚樹現真形神幡雙出紅霞動寶塔全  
開白氣生都為王心標意切滿空盈月瑞分明



幡花寶蓋滿青川  
祈禱迎來聖半千  
莫道勝緣無  
影響須知嘉會有  
因緣空中長侶聞  
天樂岩畔常  
疑有地仙何必更  
尋覓率去重上靈  
應事昭然  
登雲步嶺涉烟程  
好景随心次第生  
聖者已符祥  
瑞事地靈全副禱  
祈情洞深重叠施  
雲濕灘淺潺湲  
漱水清願滿事圓  
歸去路便風相送  
片帆輕

水心寺僧

見萬首絕句

贈賈松先輩

人  
嵯峨山上石  
歲歲色長新  
若使盡成寶  
誰為知己



唐末僧

唐溪詩話唐以前或僧有疾病者未有安

自題其戶遠部使者過而見之憐其困憊煇瘳治

題戶詩

枕有思鄉淚門無問疾人塵埋床下履風動架頭

巾

釋無名氏

唐絕  
多奇

古梅

火虐風饕水漬根霜皴雪皴古苔痕東風未肯隨

寒暑又葉清香與迤魂

南唐失名僧



月

江南海野錄云李昇受禪之初忽半夜寺僧撞壁滿城皆驚召將新之對曰偶得月詩

云云昇喜報之

徐徐東海出漸漸上天衢此夜一輪滿清光何處

無

前二句一作圓一說海嶠漸上出雲衢

淡然

見傳載即韓文公為作軒賦詩者

句

到處自鑿井不能飲常流

神迫

試式

句

鷓鴣鳴東嶺曙草秀南湖春



玄幽

五僧並見  
西陽地維

句

三萬蓮經三十春  
半生不蹠院門塵

吳善寺守素  
和尚不出院

轉法華經三萬七千部  
夜常有衆子聽經玄山題此當時以為佳句

靈準

句

晴看漢水廣秋覺岷山高

元礎

上郡僧

句

寺隔殘潮去

林藥逼泉聲

林塘秋半宿風雨



夜深來

雲容

句

木末上明星

荊州僧

句

犬熟護鄰房

志定

見張為  
主客論

句

惟有樽前今夜月當時曾照墮樓人  
梧桐葉老



蟬聲死一夜洞庭波上風

庭實江南僧

句

吟中雙髻白笑裏一生貧

詩文云庭寔歎此詩元

薄以東

爾島唐末蜀沙門慕李白歌鄒賈島寒澹

句詩話

鯨目光燒半海紅鰲頭浪蹙掀天白

可隆俗姓慕家五代時人

句



萬般思後行一失廢前功

觀其高從誨天下大定錄云

曰吾師此必因事而得隆

答曰其少與榮推獨隆

學負志氣相加維翰登第至入相某場屋頻年敗

此句定藏前市而露意耳

知業

吳越時湖州聖保寺僧性高言有詩名

句

接岬橋通何處路倚欄人是阿誰家

見錄

悟清

詩人玉屑云唐僧

句

鳥歸花影動魚沒浪痕圓

契盈

閩中人通內外學性元敏稔廣順初寓鐵塘



句

三千里外一條水十二時中兩度潮五代史補契

游玉瀾波見潮水初滿舟楫無礙路至晉州故云

三千里也

終